

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

cxix [i.e. ix]. Accidens nequit esse adæquatum principium substantiæ.

[urn:nbn:de:hbz:466:1-71607](#)

IX. Unde accidens esse non potest immediatum & adæquatum principium substantiæ ; cùm enim omnis perfectio effectui proveniat à causa, accidēs, quod neq; formaliter, neq; virtualiter, neq; eminenter continet perfectionē substantiæ, hanc non potest substantiæ comunicare. Cui non satisfacis dicendo: non requiri, ut causa instrumentalis agens in virtute alterius, in perfectione æquet esse. Etum; nam accidens agere in virtute substantiæ ; vel est, accidens cum substantia immediate operante operari, & sic accidens non est principium adæquatum ; vel est , accidens agere solum secundūm propriam virtutem, & tantūm nomine substantiæ : ex eo autem, quòd quis agat nomine & loco nobilioris, non agit perfectius, si ab eo virtutem nullam accipiat , quam si accidens à substantia accipit, jam substantia est immediatè operativa, utpote hujus virtutis productiva ; dein hæc virtus vel est accidens, & relinquit accidens æquè ad producendam substantiam improportionatum ; vel est substantia , & jam solum accidens non est adæquatum principium substantiæ ; ad hæc cùm causa instrumentalis nequeat agere , nisi simul cùm

cum influente causa principali , adeoque sit essentialiter principium inadæquatum , tale erit accidens , si sit instrumentum substantiæ , ut volunt Adversarii . Cui iterum non satisfacis dicendo : instrumenta imperfecta quæque ex se activa non sunt (qualia sunt instrumenta artificialia) non posse se ex se movere , sive non posse agere , nisi actu moveantur à causa principali unà cum illis influente in effectum , posse tamen id instrumenta perfecta ex se activa , sic virtutem seminalem feminis producere effectum juxta naturam viventium , quorum est semen ; absq; eo , quod talia viventia actu concurrant (utpote quæ frequenter tum perierunt) cum hac virtute seminali ad producendum sibi simile . Nam propter hanc ipsam rationem negamus , semina esse verè instrumenta istorum viventium , dicimusque illa , si mortua sunt , impropotionata esse ad producendam animam viventis ; similiter dum infecta nascentur ex putrida materia , ova calore fumis excluduntur , metalla in imis terræ visceribus gignuntur , has animas aut substantias non produci à solis accidentibus agentibus in virtute substantiarum absentium ; in cuius enim

quælo, substantiæ virtute illa accidentium collectio in putri generat vermes? Dices in virtute vermis in comuni; sed hæc accidentia à tali verme nunquam fuere producta, quomodo igitur agunt in virtute illius? insuper talis vermis in communi non datur à parte rei, sed tantum per intellectum, dicitq; pro materiali omnes vermes, etiam hos natos ex putri. Melius igitur facimus, non ex mera ignorantia (quod indecorum est Philosopho) sed nisi ratione philosophica recurrendo ad Deum (cujus tanquam generalis natura Provisoris est, in defectu causæ secundæ proportionatae ad educendam formam ex materia jam plenè disposita, vices illius subire, formamq; illam se solo educere) quamtribuendo agentibus naturalibus vires, quas non habent. Quamvis etiam dici possit cum Galeno, in generatione animalium ex semine, matrem non tantum producere actiones formativas & dispositivas materiæ antecedentes generationem (quæ frequentissimè apud Arist. nomine generationis veniunt) sed & activè concurrere ad unionem & animam (si ea est bruti) producendam; Patrem ex eo tamen adhuc dici causam.

causam prolis, quia materiam suppeditavit formandam ulterius. Item formas metallorum gigni à sole virtutem suam ad imæ terræ diffundente, vel ab ipsa terra & petris. Neque Aristot. inquiens : *nihil aptum est agere, nisi quod habet contrarium* : (qualis contrarietas tantum est inter accidentia) negat substantiis activitatem ; hæ enim sunt sibi adhuc contrariæ radicaliter, quatenus sunt principia accidentium formaliter sibi contrariorum ; contrariantur item sibi mediatè, mediis nimirum accidentibus ; vel loquitur Arist. de actionibus præviis dispositivis ad generationem ; hæ enim, saltem inadæquate, procedunt ab accidentibus.

X. Imò ne quidem accidens per modum principii inadæquati instrumentalis effectivè concurrit ad productionem substaniæ. Quotiescunq; enim adsunt duæ causæ creatæ, quarum una sufficiens est se solâ producere effectum, (qualis est substantia respectu substaniæ) altera de se improportionata ad talem effectum (quale est accidens respectu substaniæ) hæc illi frustraneè adjungitur in ordine ad talem effectum, & quia non eget, hinc quoq; nō est in potestate talis causæ, ad

g s effectum